

E prome refereee internacional den e region aki

SHARLINE MONIQUE RAS

Desde aña 2000 pa prome biaha den historia di FIFA cu un hende muher ta bira refereee internacional pa e region aki y e refereee aki ta Sharline Monique Ras kende for di chiquito tabata gusta tur clase di deporte y na grandi maske cu e tabata mama y tabata tin un famia e tabata kier a studia pa e por a bira refereee.

Awe Aruba ta conta cu un di e damanan mas respeta den e mundo di futbol como refereee ya cu Sharline nunca no a laga intimidacion ni agresividad masculino vence su anhelo. Sharline su nomber di cariño den e mundo deportivo ta Monique. Monique ta bin di e bario di Cura Cabay, aunke cu awor e tin diez aña bibando na Sero Alejandro. Monique ta un hende di pariba di brug y tur su schoolnan cu el a bishita tabata pariba di brug tambe y e ta stima su hendenan di pariba di brug.

Monique ta mama di un yiu muher y como hende muher tabata straño pa bisa hende cu e tabata gusta e mundo deportivo ya cu e interes den deporte cerca hopi hende muher no ta asina halto pero cerca Monique esaki tabata un parti di su bida.

Monique semper tabata tin amor pa deporte y e tabata gusta practica tennis, softball, track and field, kiokoshin kai, karate, ninja y juiitso pero esun cu mas tabata biba den dje tabata futboll. Monique a hunga futbol hopi tempo pero despues cu e organisacion di futbol damas a caba Monique a keda cu un bashi enorme den dje. Pero destino of no, un aviso ta sali publica den corant cu ta duna curso pa bira refereee net algun dia despues y Monique no a perde pa gana y a busca informacion di biaha. E momento ey Monique a dicidi cu e kier bay e curso ey y e kier bira refereee di futbol cual curso ta net diez aña pasa cu Monique a tuma e desicion di traha pa su meta. Asina mes cu semper Monique a soña di un dia e lo por a bira un hungador profesional di futbol e tabata cla pa tuma un otro rumbo cu no tabata mucho diferente. E desicion di bay tuma e cursonan pa bira refereee no tabata facil ya cu Monique e tempo ey no a haya e o.k di biaha di su casa pa por a realisa esaki pero su amor pa futbol tabata asina grandi cu e la para duro den su zapa-tonan y a bisa su casa cu si e casa no bay pone su nomber pa e cursonan e mes lo bay haci esaki todo por todo.

E persistencia di Monique a pone cu awe e ta unda cu e ta y cu e ta un di e muhernan mas respeta den e mundo di futbol cu no a para keto ni un instante dilanti di su metanan. Monique ta disfruta ora cu e tin cu bay traha y dia cu e no ta disfruta di dje mas e lo stop pero pa awor e sanger deportivo a keto bay den dje. Como refereee esaki no ta algo facil ya cu no ta e aspecto di refereee riba su mes a peligroso pero e fanaticadanan cu hopi biaha no sa di tuma un derota ta esnan cu ta pone bida di refereee nan na peliger, pero asina mes Monique no ta preocupa cu e aspecto aki ya cu e la yega di haye caba na varios ocasion bao menasa di fanaticadanan onsportief cu e mester a wordo escolta te na su auto pa polis. Pa por gusta loke cu bo ta haci y hacie cu amor bo mester por ta guste segun Monique pasobra ser refereee por ehempel no tabata algo facil ya cu tin hopi reglanan cu mester wordo aplica, tecnicanan y condicion fisico. Como un Referee pa FIFA internacionalmente e condicion fisico mester ta number uno y pa esey bo mester keda train y move hopi. Apart di esaki como hende muher bo mester deal cu e presion di hende homber ya cu nan ta sinti nan mes insigur ora ta trata di un hende muher refereee pero aki na Aruba ya nan a custumbra caba cu Monique pero den comienso e hende hombernan no tabata sa con pa deal cu Monique y tabata hatta cuestiona su conocementonan di regla pero cu tempo tur hende a siña acepta Monique. Monique a dirigi weganan local pero internacional tambe manera na Merca, Curaçao, Boneiro, Trinidad & Tobago, St. Lucia, Surinam y Jamaica.

